

Melao ya Boitshwaro

Eaton e batla hore batsamaisi bohle, diofisiri le basebeletsi ba Eaton, makala a yona le balekane ba yona ("Eaton") ba iphaphatha le melaomotho ya mekgwa ya boitshwaro e boletsweng mona ha ba phethahatsa maikarabelo a bona.

1. Ho mamela molao – Re hlompha le ho mamela melao, melawana le ditataiso tse sebetsang dikgwebong tsa rona lefatshe ho pota.

2. Botshepehi ba ho tlaleha diphetho tsa rona tsa ditjhelete – Re boloka le ho tlatsa ditlaleho tse nepahetseng tsa ditjhelete le ditlaleho tse ding tsa kgwebo le ho fana ka boitsebiso bo tletseng, bo lekalekaneng, bo nepahetseng, ka nako, le bo utlwahalang ba diphetho tsa ditjhelete le boitsebiso bo bong ba bohlokwa.

3. Ho hlompha ditokelo tsa botho – Re hlompha ditokelo tsa botho e bile re batla hore ba re nehang thepa ba etse se tshwanang.

4. Dihlahiswa tsa boleng – Re ikemiseditse ho hlahisa dihlahiswa tsa boleng le ho fana ka ditshebeletso tsa boleng

5. Ho Hlodisana ka boitshwaro – Re ipabola ka tshebetso ya rona ya boleng bo phahameng. Ha re sebedise mekgwa ya ho hweba e fapaneng le melao ya boitshwaro le yeo e seng molaong.

6. Re hlompha mekgwa ya ho hira batho ba mefuta e sa tshwaneng le ka toka – Re ikemiseditse ho hlompha mekgwa ya ho hira basebeletsi ba tswang ditsong tse sa tshwaneng ka ho sebedisa mekgwa e neang bohle menyetla e lekanang le ho ba tshwara ka toka ho itshetlehile ka bokgoni ba bona. Ha re mamelle ho hlekefetswa kapa kgethollo mosebetsing.

7. Ho qoba ho sebetsa mesebetsi e thulanang – Re qoba dikamano kapa boitshwaro bo ka sitisang kahlolo e molemo kapa ba baka thulano ya sebele kapa e bonahang pakeng tsa dithahasello tsa rona le ho tshepahalla ha rona Eaton. Ha re sebedise maemo a rona le Eaton ho ruisa rona kapa ba bang molemo ka tsela e sa lokelang. Ha re etse mesebetse kapa ra kena dikamanong tse hlodisanang le Eaton.

8. Ho sireletsa thepa le boitsebiso – Re sebedisa thepa ya Eaton, boitsebiso le menyetla bakeng sa kgwebo ya Eaton, e seng bakeng sa dintho tse sa dumellwang. Ditaba tsa Eaton le boitsebiso bo mabapi le basebetsi tseo e retshepetseng tsona kapa ba bang re di boloka e le lekunutu.



Powering Business Worldwide

9. Ho itshwara ka botshepehi – Ha re nee kapa ho amohela tjojo, bobodu kapa dimpho tse sa lokelang kapa boithabiso. Re hweba ka ho dumelana le melao ya boitshwaro le ditekanyetso tsa rona.

10. Ho rekisetsa mebuso – Re dumellana le melao e ikgethang, melawana le ditaiso tse mabapi le dikotraka tsa mmuso le dikamano tsa rona le basebeletsi ba mmuso.

11. Ho kenya letsoho dipolitiking – Ha re etse menehelo lehatong la Eaton ho bonkgetheng ba dipolitiki kapa mekgatlo, le haeba seo se dumellwa ke molao.

12. Tikoloho, bophelo bo botle le tshireletseho – Re ikemiseditse ho nka ketapele tabeng ya ho sireletsa bophelo bo botle le tshireletseho ya basebeletsi ba rona le tikoloho.

Ho tlaleha – Ka ho dumellana le molao, motho e mong le e mong a ka tlaleha phatlalatsa kapa ka sephiring, bothata ba maitshwaro kapa seo e ka nnang ya eba tlolo ya molao kapa tlolo ya molao ka boyona, ho akaretsa le taba le ha e le efe ya boikarabelo, ya ditjhelete, lekgetho kapa taba ya ho lwantsha tjojo. A ka tlaleha sena Ofising ya Melao ya Boitshwaro le ho lphaphatha le Molao. Taba ena e tla bolokwa e le lekunutu ka botlalo ka tsela e kgonehang, ha ho ntse ho dumellwa ho etswa ha dipatlisiso tse loketseng.

Ditlaleho tsena di ka romelwa ka poso, e-mail kapa mohala jwalokaha ho bontshitshwe ka mona ka tlase:

Thomelo ya Poso -

Romela lengolo ho:
SVP, Ethics and Compliance
Eaton
1000 Eaton Boulevard
Cleveland, Ohio 44122
USA

E-mail -

Romela e-mail ho Ethics@eaton.com kapa o sebedise diforomo tsa web tse fumanwang ho webesaete ya Global Ethics e fumanwang ka ho sebedisa JOE (intranete ya Eaton) kapa ho webesaete ya kantle ya Eaton.



Powering Business Worldwide

Mohala wa founo -

Iteanye le Ethics and Financial Integrity Help Line ka ho letsetsa 800.433.2774 ho tswa U.S. le Canada. Ho tswa dinaheng tse ding tsohle, letsetsa nomoro e behilweng phoustareng ya lehae ya Ethics poster kapa ho webesaete ya Global Ethics ho JOE. Mohala wa ho kopa thuso ha o lefella, e bile ho na le baemedi buang dipuo tse ngata ka dihora tse 24 ka letsatsi le ka matsatsi a 7 a beke.

Tshehetso ka dipuo tse ngatangata -

Haeba o rata, o ka sebedisa puo ya heno ho ngola bothata ba hao, o ngolla e nngwe ya diaterese tse ka hodimo, re tla fetolela lengolo la hao kapa e-mail ya hao.

Eaton e keke ya dumella boiphetetso kgahlanong le mosebeletsi le ha e le ofe eo a tlalehang bothata ba melao ya boitshwaro, ba molao kapa ba ditjhelete ebile e keke ya kgalema mosebeletsi le ha e le ofe ya etsang tlaleho ka boikemisetso bo botle.

Boikarabelo ba botho

Motsamaisi e mong le e mong, ofisiri le mosebeletsi o na le boikarabelo ba botho ba ho bala, ho tseba le ho dumellana le melao ya motheo e fumanwang ka ho Melao ena ya Boitshwaro. Ka ho dumellana le melao ya lehae, ho iphaphatha le melaomotho ena tlhoko ya basebetsi, ho se dumellane le sena ho ka qetella ka kgalemelo, ho isa bohloko bo kopanyeletsang le ho lelekwa mosebetsing.

Boto ya Batsamaisi e tla etsa qeto, kapa ya kgetha bolaodi bo tshwanetseng hore bo etse qeto mabapi le bohato bo tla nkua ha ho tlotswe Melao ya Maitshwaro. Bohato bo tla nkua bo tla rerelwa ho thibela bobele le ho kgothaletsa boikarabelo ba ho kgomarela Melao ya Boitshwaro.

Ka ho dumellana le melao ya lehae, motsamaisi e mong le e mong, ofisiri le mosebeletsi o na le boikarabelo ba ho tsebisa Eaton ka ketso leha e le efe yeo ho latela kahlolo ya hae a bonang e le ho tlola melaomotho ena. Ditlaleho di ka lebiswa ho mohlokomedi kapa setho sa bolaodi, kapa Ofisi ya Boitshwaro le ho Iphaphatha le Molao jwalokaha ho bontshitswe ka hodimo. Se bonahalang hore tlole ya molao le sona se ka tlalehwa ho badulasetulo e ka nna ya eba ba Dikomiti tsa Bahlahlobi ba Dibuka tsa Ditjhelete kapa tsa Taolo tsa Boto ya Batsamaisi, kapa ka ho toba ho Batsamaisi, ka poso hore e hlokomelwe ke SVP, Ethics and Compliance, bao ba tla tlisang tlaleho.